



Broj: 17-02-31807-1/25

Sarajevo, 28. 5. 2025. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 55. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22, 44/22 i 55/22) i člana 9. Uputstva za izradu i provođenje plana integriteta institucija javnog sektora u Kantonu Sarajevo („Službene novine Kantona Sarajevo“, broj: 33/24), šef Stručne službe za zajedničke poslove Kantona Sarajevo d o n o s i

ODLUKU O USVAJANJU PLANA INTEGRITETA

Član 1.

Ovom odlukom usvaja se Plan integriteta Stručne službe za zajedničke poslove Kantona Sarajevo koji je pripremila radna grupa za izradu plana integriteta.

Član 2.

Stupanjem na snagu ove odluke razrješavaju se dužnosti koordinatora i članova radne grupe, imenovani Odlukom o izradi plana integriteta, broj: 17-02-48566-10/25 od 15. 5. 2025. godine.

Član 3.

Menadžer integriteta, imenovan rješenjem šefa Stručne službe, broj: 17-01-30-3-226/25 od 15. 5. 2025. godine, odgovoran je za provođenje Plana integriteta.

Član 4.

Stupanjem na snagu ove odluke stavlja se van snage Odluka o izradi Plana integriteta broj: 17-02-45866/22 od 9. 11. 2022. godine.

Član 5.

Ova odluka stupa na snagu danom donošenja, a objavit će se na internet stranici Stručne službe za zajedničke poslove Kantona Sarajevo.

Obrazloženje

Stručna služba za zajedničke poslove Kantona Sarajevo donijela je Plan integriteta Stručne službe za zajedničke poslove Kantona Sarajevo broj: 17-02-45866/22 od 28. 11.2022. godine. Vlada Kantona Sarajevo je na 50. sjednici održanoj 08.08.2024. godine donijela Zaključak kojim se usvaja Uputstvo za izradu i provođenje plana integriteta institucija javnog sektora u Kantonu Sarajevo broj 02-04-38911-22.1/24. Stupanjem na snagu ovog uputstva prestalo je da važi Uputstvo za izradu i provođenje plana integriteta institucija javnog sektora u Kantonu Sarajevo broj 02-04-43099-19.1/22 od 20.10.2022. godine. S obzirom da je postojeći Plan integriteta izrađen u skladu sa odredbama uputstva koje je stavljeno van snage, a u cilju usklađivanja sa novim uputstvom, šef Stručne službe donio je Odluku o izradi Plana integriteta, za čiju realizaciju je imenovao Radnu grupu. Radna grupa je sačinila prijedlog Plana integriteta i dostavila ga rukovodiocu Stručne službe za zajedničke poslove Kantona Sarajevo na usvajanje.

ŠEF STRUČNE SLUŽBE

Fikret Jašarević

Dostaviti:

1. Članovima Radne grupe (3x),
2. Evidencija,
3. A r h i v a.

